

**MINISTARSTVO UNUTRAŠNJIH POSLOVA KANTONA SARAJEVO**, ulica La Benevolencije broj 16, koje zastupa ministar mr. Ismir Jusko (u daljem tekstu: Kupac) i

„**C SERVIS**“ d.o.o. Sarajevo, ulica Antuna Hangija broj 31, Sarajevo, koje zastupa direktor Marko Krtalić (u daljem tekstu: Prodavac)

zaključili su:

## **UGOVOR O NABAVCI INFORMATIČKE OPREME, LOT 2 – DOKUMENT SKENERI**

### **PREDMET UGOVORA**

#### **Član 1.**

Predmet ugovora je nabavka informatičke opreme, LOT 2 – Dokument skeneri (16 kom) za potrebe Ministarstva unutrašnjih poslova Kantona Sarajevo, nakon provedenog konkurentskog zahtjeva za dostavu ponude uz primjenu e-aukcije, na osnovu Odluke o pokretanju postupka broj 01-11-4-4023 od 05.08.2020. godine i Obavještenja o nabavci broj 1364-1-53-3-49/20 od 13.08.2020. godine.

Ponuda Prodavca broj 200826-01/MJ od 26.08.2020. godine i Izvještaj o toku završetku e-aukcije od 07.12.2020. godine čine sastavni dio ovog ugovora.

### **CIJENA**

#### **Član 2.**

Cijena za predmetnu opremu iz člana 1. ovog ugovora, iznosi 15.224,76 KM (petnaesthiljadadvestotinedvadesetčetiri i 76/100 KM).

U cijenu nije uključen PDV odnosno ukupna vrijednost ugovora sa uračunatim PDV-om iznosi 17.812,97 KM (sedamnaesthiljadaosamstotinadvanaest i 97/100 KM).

Ugovorena cijena uključuje sve troškove koje Kupac može imati.

### **NAČIN PLAĆANJA**

#### **Član 3.**

Kupac će Prodavcu će za isporučenu opremu izvršiti plaćanje u roku 30 (trideset) dana od dana isporuke i dostavljanja računa.

### **ROK ISPORUKE**

#### **Član 4.**

Prodavac se obavezuje da će isporuku izvršiti u roku od 15 (petnaest) dana od obostranog potpisivanja ugovora.

U slučaju kašnjenja u isporuci roba, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

## GARANTNI ROK ZA ISPORUČENE PROIZVODE

### Član 5.

Prodavac daje garanciju na isporučenu opremu 12 mjeseci od dana isporuke.

### Član 6.

Sve naknadne troškove nastale nakon isporuke robe, a koje se odnose na zamjenu oštećenih roba kao i roba neodgovarajućeg kvaliteta koje je potrebno zamijeniti, osim šteta koje izazovu operateri Kupca, ili koji nastanu njihovim uticajem, snosit će Prodavac i sve takve eventualne isporuke bit će za Kupca besplatne i isporučene.

## ZABRANA ZAPOŠLJAVANJA

### Član 7.

Ponudač nema pravo da zapošljava, u svrhu izvršenja Ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.

## ODGOVORNOST I VIŠA SILA

### Član 8.

Ugovorne strane su saglasne da sva eventualna sporna pitanja rješavaju dogovorom, štiteći obostrane interese. U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

### Član 9.

Ovaj ugovor stupa na snagu danom obostranog potpisivanja i traje do konačne realizacije ugovorene isporuke.

### Član 10.

Ovaj ugovor je sačinjen je u 4 (četiri) istovjetna primjeraka, od kojih po 2 (dva) primjerka zadržava svaka od ugovornih strana.

PRODAVAC

„C SERVIS“ d.o.o. Sarajevo

direktor  
Marko Krtalić



KUPAC  
MINISTARSTVO UNUTRAŠNJI POSLOVA  
KANTONA SARAJEVO

ministar  
mr. Ismir Jusko

Datum: 18.12.2020

Broj: 103/20

Datum: 16.12.2020. godine

Broj: 01-11-4-4023-7